




# 中國大運河歷史文獻集成

60

主編 王雲 李泉

國家圖書館出版社



# 第六十册目錄

南河成案續編 卷七十七至卷九十

.....

南河成案續編

卷之七十七 嘉慶十六年

黃運兩河各廳加培土工

臣陳鳳翔跪

奏為黃運兩河各廳亟應擇要加培土工恭摺具

奏仰祈

聖鑒事竊照黃運兩河兩岸堤工最關緊要其卑矮單薄之

處必須擇要加培以資抵禦前已飭令淮揚常鎮徐

州淮海四道親詣各廳察看形勢或須加高或須培

南河成案續編 卷之七十七 黃運各廳加培 一嘉慶十六年 土工 四 一月

厚以上年盛漲水痕為準嗣據各道按廳估計造冊

詳送前來 臣復與各道廳營面加商酌應增應減總

以必不可緩者先行加培既不致有悞要工復可以

仍歸節節核實後 臣按定各廳銀數多寡批飭河庫

道徐忻照數給發派令文武員弁分投趕辦定限大

汛以前完工茲據各工員具報遵照原估層土層礮

陸續完竣 臣復分派各道員前往按照原估丈尺驗

收如或浮鬆立即飭令承辦之員翻做夯礮結實 臣

俟糧艘全數渡黃後再赴各工覆驗度工歸實月

帑不虛糜所有黃運兩河亟應擇要加培土工理合繕

摺具

奏容 臣收工後再行開具墾落丈尺銀數清單恭呈

御覽再揚河廳屬寶應一帶堤工木屬卑矮自上年廟灣

漫溢兩岸堤埽半行掣卸殘缺不堪難以抵禦 臣到

任後飭令該道廳將善後堤埽工程先行趕辦得以

保護俾糧艘順利通行毫無阻滯將來伏秋大汛可

保無虞合併陳明以慰

慈屢伏乞

南河成案續編 卷之七十七 黃運各廳加培 二嘉慶十六年 土工 四 一月

皇上睿鑒謹

奏嘉慶十六年四月十五日拜

進五月初五日奉到

硃批據實查收有弊即參欽此

堵閉禦黃鉗口兩壩並黃河堤工保護平穩

臣勒保 臣陳鳳翔跪

奏為堵閉禦黃鉗口兩壩並黃河兩岸堤工保護平穩

及湖河水勢情形恭摺奏

聞仰祈

聖鑒事竊本月初二日全漕渡黃完竣隨將鉛船四幫全

行催渡即于初四日酉刻動手掛纜捆廂先堵禦黃

大壩其鉗口壩亦接續興工適連日大雨如注黃河

水勢于五月初一日起疊次長水查驗外河廳順黃

南河成案續編 卷之七七 堵閉禦黃鉗口 三 嘉慶十六年 五 月

壩誌椿水深三丈三尺八寸與上年盛漲時相等金

門溜勢湍激異常 臣等督飭在工官弁兵夫無分雨

夜加緊廂築茲于十七日酉刻將兩壩工程堵閉合

龍漸流層土層料重重追壓到底工程甚為堅固 臣

等正在籌議修防疏濬各事欽奉

諭旨以黃水濟運日久運河不免停淤趁此御黃壩堵合

之時查看挑挖以待回空等因欽此仰見

皇上睿算先幾周詳指示 臣等現俟運河黃水消盡即詳

加查看淤墊之處趕緊挑挖以便糧艘回空至洪

湖水近日雖稍加增長然連底水僅有九尺總因豫

皖二省自春入夏雨澤稀少故清水之源不旺東清

壩此時尚須堅閉未便啟除其湖口各引河業已加

展寬深即日大雨時行湖水定能大漲彼時啟壩勢

如建瓴自可收敵黃之效並可分流刷滌運道俾回

空幫船不致有淺滯之慮再前據豫省各報黃河上

游軍夏于四月十五日陡長水七尺四寸又陝州萬

錦灘亦報五月初五日黃水陡長二尺恐下游河水

驟漲 臣陳鳳翔當即飛飭外河各廳營將卑矮壩段

預為趕緊搶廂又于迎溜掃灣之處補下新埽以資

抵禦現值河水增長禦黃壩堵閉較早全河之水東

注固可併力刷沙然河流不分其勢必致擡高較往

年更大兩岸堤工猶宜加意防守業已分飭各廳營

遵照妥辦所有備防料物亦斟酌加增以期有備無

患至海口兩岸新堤創築本不高厚難禦汎水現在

南岸已酌量加高培厚廂做防風以資護衛其北岸

盡屬海灘並無人烟前挑汛時業已堤裏堤外兩面

皆水低窪之處水高于堤該處工程應俟秋後黃水

消落時再相度形勢熟籌辦理惟有恪遵

聖訓總期工歸實用

帑不虛糜所有堵閉鉗口禦黃兩壩並搶護工程平穩

及現在湖河水勢情形理合由驛恭摺具

奏以慰

聖慮伏乞

皇上睿鑒謹

奏嘉慶十六年五月十九日由驛拜

進六月初三日奉到

南河成案續編 卷之七十七 堵閉禦黃鉗口 五嘉慶十六年 兩壩 五月 八 月

殊批另有旨欽此

再銅鉛船隻向來經過開壩時皆應起剎定例存四

起六本年因堵閉禦黃壩緊要各船載重難行 臣等

一面專派將備迎提一面飭令署清河縣汪洪將銅

鉛全行起剎盤壩俾各船得以迅速渡黃內有船三

號於上開時碰損漏水該縣即協同委員打撈全獲

惟該運員渡黃後尙須在楊家莊一帶將船修脩方

能裝載抵通不能依限出境理合附片奏

聞謹

奏嘉慶十六年五月十九日附

進六月初三日奉到

殊批覽欽此同日承准

軍機大臣 字寄

兩江總督勒 江南河道總督陳 嘉慶十六年

五月二十六日奉

上諭勒保等奏堵閉禦黃鉗口兩壩並現在湖河水勢及

黃河兩岸堤工情形一摺已于摺內批示矣河口自本

月初二日全漕渡竣之後該督等即將禦黃壩及鉗口

南河成案續編 卷之七十七 上諭 六嘉慶十六年 五 月

接續興工已于十七日堵合現在挑挖運河淤墊並

因清水尙未長發仍將束清壩堅閉先將各引河加展

寬深以備屆時啟放均應如所奏辦理惟黃水現已增

長則南北兩岸堤工在在著重必須加意防範始保無

虞該督等務當督飭廳營將人夫料物各為齊備無分

晝夜實力巡防不可稍涉大意至摺尾稱海口北岸並

無人烟之地現在堤裏堤外面面皆水低窪之處水高

于堤所有該處工程應俟秋間黃水消落時相機辦理

等語黃水併力東注方能刷沙海口始不致阻滯豈可

任其漫溢旁趨上平堵築馬港口工程南北兩岸新堤  
 係一律培築况北岸地勢較高何以轉有漫溢之木明  
 奏此時始漸于摺內透露殊有粉飾黃河形勢全在海  
 口深通方無他病今該處散漫若此雖上游各處堤工  
 目前尚不致妨礙而海口正河必致日形淤阻去年挑  
 挖工程豈不全歸虛擲乎究竟該處過堤之水係由何  
 處漫越現由何處經行是否別有歸海之路抑仍繞歸  
 正河入海其經由所在雖據稱並無人烟亦當有確實  
 南河成案續編 卷之七七 上論 七 嘉慶十六年 五 上 月

地名著該督等俱即據實奏聞勿稍含糊聲敘現在黃

七 嘉慶十六年 五 上 月

將水勢挽歸正河使不致海口受淤之處著即妥籌速  
 辦勿再觀望遷延致滋他患將此諭令知之欽此

重運全數挽出江境

臣 勒保 臣 陳鳳翔 跪

奏為南糧重運全數挽出江境恭摺奏

聞仰祈

聖鑒事竊照本年開放禦黃壩甚遲清水又屬短絀 臣等

深恐有悞新漕仰賴

皇上洪福

指示機宜俾全漕得以迅速渡黃連橋北上茲據徐州道

張鼎並邵宿運河廳稟報湖南三幫尾船已于五月

二十日全數挽出江南黃林莊境行走極其順利 臣

等查本年全漕出運計船四千六百六十八隻現已

全數挽出江境則抵通壩較往年必早回空自不致

遲延各幫船可以及時歸次來年新漕受兌亦可趕

早開行以符舊限從此禦黃壩年年得于汛前堵閉

自不致淤墊運河河不病則漕亦不病實為兩得現

在禦黃壩已閉 臣 陳鳳翔業已委員估計將運河淤

墊處所即行疏濬以備空運經由深通之處仍歸原

節以杜工員虛冒所有南糧重運全數挽出江境理

殊批 不可存自滿之念出自滿之言欽此

合由驛具奏以慰

慈厘伏乞

皇上睿鑒再洪湖清水節次增長誌椿現深一丈二寸合

併陳明謹

奏嘉慶十六年五月二十四日拜

進六月初九日奉到

硃批另有旨欽此

上諭

按此摺與後奏同奉一

南河成案續編

卷之七十七

重運全數出境

嘉慶十六年五月

堰圩磚石各工補修完竣

臣勒保 臣陳鳳翔

奏為上年洪湖被風擊塌磚石各工現在修砌堅固一

律完工恭摺奏

開仰祈

聖鑒事竊照上年十月間堰圩磚石各工被風浪擊塌至

四千數百丈之多形同鋸齒湖水即由坍塌處所旁

洩不特淮揚一帶受害抑且不能蓄清敵黃是堰圩

工程為南河第一要務必須修理堅固以蓄清水而

南河成案續編

卷之七十七

堰圩石工修補

嘉慶十六年五月

防異張于利漕衛民之道兩有裨益臣等到任之始

即親詣查勘派委員弁分段興修四月間臣陳鳳翔

又往查催察看其修砌不能如式或石料未能見方

灰漿未能飽滿銅錠未能足數者仍令拆卸另砌並

諭以修不如式收工時定必據實廉參各員均知畏

懼認真辦理不獨不敢稍為偷減並于原估之外堅

益求堅較之往年石磚各工實為核實堅固自本月

初間陸續具報完工十五日普律工竣臣等次第查

驗新工段段結實足資收蓄湖水可以仰慰

望懷至續估衝刷背後土堤及補砌海漫腰河雖湖六漸

次增長于補砌工程毫無阻礙現在分投趕辦不日

即可一律全完所有堰圩坍塌碎石工程現已修砌

普律完竣緣由理合繕摺具

奏查本年上半年工程雖多所用錢糧較之往年大為

節省合併陳明伏乞

皇上睿鑒再 臣 勒保拜摺後即起身回至江寧清理積案

陳鳳翔赴黃河查勘工程巡防伏汛並附奏

聞謹

南河成案續編 卷之七七 堰呀石工修補 嘉慶十六年 完竣 五月 上 月

奏嘉慶十六年五月二十四日拜

進六月初九日奉到

硃批另有旨欽此

再此次修砌石工 臣 等派令候補道裘世璘總司其

事甚屬認真除該道業已

奏留安徽江西候補不敢再請邀

恩外所有山東同知銜上河通判張協鼎經前任兩江總

督 臣 松筠 奏留南河差委奉

旨准行在案又有原任河南下北河同知森事革職奉

旨以縣丞補用之滕開業及現任山東汝上縣縣丞周燦

庭 臣 陳鳳翔出東河帶至南河因 臣 等不能專駐工

次督辦誠恐南河積習相沿委員通同一氣易滋弊

端事竣難以查察 臣 等派令該三員駐工分段稽查

俾經費不致虛糜工程得以堅固該員等俱係東河

之員既無所用其迴護且是江南人事關桑梓衛護

更為認真出力可否仰懇

天恩張協鼎以河工同知遇缺即陞滕開業周燦庭以煩

南河成案續編 卷之七七 附奏石工出力 嘉慶十六年 各員 五月 上 月

缺知縣遇缺即陞如蒙

俞允即令其仍回山東河南候補與例亦屬相符其催工

出力之候補州同趙宜震候補縣丞張璧請以遇缺

即補候補州同孫齡候補縣丞吳光怡候補主簿丁

維申候補從九徐聯成候補未入蕭蕙彩請以儘先

補用現任安東縣縣丞胡棠請以遇缺即陞 臣 等為

獎勵工員起見不揣冒昧謹附片奏請

聖訓謹 奏嘉慶十六年五月二十四日會摺附片具

奏六月十二日奉到

硃批另有旨欽此同日承准

軍機大臣 字寄

兩江總督勒 江南河道總督陳 嘉慶十六年

六月初三日奉

上諭勒保陳鳳翔奏南糧重運挽出江境及上年洪湖被風掣塌磚石各工修砌堅固一律完整二摺覽奏俱悉本年漕船已于五月二十日全數挽出江南黃林莊境行走極為順利則抵通日期較往年必早回空自可不

南河成案續編 卷之七十七

上諭

嘉慶十六年五月

致遷延各督得以及早歸次來年新漕受兌亦可趕早

開行所辦固為妥速惟是南河關鍵總以清水暢出敵

黃不使黃水涓滴入運方為全善本年漕船仍係黃水

浮送目下雖已全數挽出江境但黃水經過之處河身

不無淤墊是于漕船目前有益于河工轉多妨礙且現

在伏汛經臨一切堤岸在在均關緊要該督等不可存

自滿之見出自滿之言以全漕業已出境遂可安然無

事若如該督等所稱從此禦黃壩年年得于汛前堵閉

豈年年必須用黃水浮送耶此時禦黃壩業經堵閉所

有運河淤墊處所即宜趁此趕緊疏浚以備空運經由

切勿又致淺阻其黃河兩岸及海口一帶亦須加意保

護無少疎虞至洪澤湖清水節次增長誌椿現深一丈

二寸固可儲蓄清水但本年春夏之交雨澤稀少恐伏

秋汛內雨水較多湖水過盈亦足為患尤須于啟洩機

宜隨時斟酌不可稍存大意將此諭令知之欽此同日

承准嘉慶十六年六月初三日內閣奉

上諭勒保等奏上年洪湖被風掣塌磚石各工現在修砌

堅固所有在事出力各員分別奏請陞補以示獎勵等

南河成案續編 卷之七十七

上諭

嘉慶十六年五月

語此次修砌洪湖石工派令候補道裘世璘等辦理現

已一律完竣除裘世璘業經該督等奏留安徽江西二

省補用毋庸再行加恩外著照該督等所請前任兩江

總督松筠奏留南河委用之山東同知銜上河通判張

協鼎准以河工同知遇缺即陞陳鳳翔帶赴南河差委

之東河候補縣丞滕開業山東汶上縣縣丞周燦庭俱

准以繁缺知縣遇缺陞用該二員均著仍回山東河南

候補州同趙齡候補縣丞吳光怡候補主簿丁維申候

候補州同孫齡候補縣丞吳光怡候補主簿丁維申候

補從九徐聯成候補未入蕭憲彩俱著儘先補用安東  
縣縣丞胡棠著遇缺卽陞河工投効候補布政司理問  
宣國煥著改歸地方遇缺卽補該部知道摺單並發欽  
此

南河成案續編 卷之七十七 上諭

嘉慶十六年 五月

海口漲水不消王營減壩土堤坐墊

臣陳鳳翔跪

奏為海口漲水不消各工拍岸盈堤紛紛搶護幸臻于  
穩惟王營減壩土堤坐墊過水仍由舊路歸海恭摺  
奏

閣仰祈

聖鑒事竊本月二十四日將重運全漕出境堰貯石工告

成會摺具

奏在案拜摺後督臣回赴江寧清理積案臣卽起身赴

南河成案續編 卷之七十七 海口漲水不消 嘉慶十六年 減壩堤工坐墊 五月

上游徐州一帶巡防伏汛二十五日戌刻在桃南工

次接據淮揚道廳稟報五月二十四日夜大雨如注

河水復又增長普律上堤外河應各險工均經搶護

穩固惟王營減壩土堤于二十五日丑刻陡然坐墊

並漫過遙堤溜勢由鹽河一帶舊路行走臣接稟後

漏夜馳回二十六日辰刻趕至減壩工次帶同道將

廳營詳細查看情形測探水勢口門塌寬八十餘丈

水深二丈四五尺不等黃河底高于壩外一丈數尺

水由東北舊河形直下經由清河沭陽安東海州壩

內入海查減壩原係分洩盛漲去路誠恐分溜過多

正河又形淤墊臣當即分派員弁一面將工次料物

趕緊廂築裹頭一面進占收窄仍照嘉慶十一年辦

理章程口門空三十丈以洩漲水臣查本年自五月

初一日長水起順黃壩誌椿長至三丈四尺一寸各

廳具報皆比上年盛漲之水較大運至二十三日之

久一寸未消徐州淮海各道屬亦紛紛具報出險臣

嚴飭各道將廳營務宜加意堅守兩堤為束水攻沙

之計相持二十餘日水勢有長無消兩岸嚴守堅固

南河成案續編卷之七十七海口漲水不消嘉慶十六年

游疊次增長下游總不消落實由海口未能通暢而

下游馬港口消水之路又為堵閉矣此時若將王營

減壩堵塞汛期方長河水必漲海口既不能暢消則

兩岸險工在在皆為可慮或別工失事則運道鹽場

民居均有妨礙自應先將減壩兩裹頭盤旋結實中

空二十丈口門以資分洩舊路經由傷損田廬亦少

而于運道鹽場居民均可無虞且糧艘即日回空必

須開放禦黃壩黃流不致擡高則運道亦無倒灌之

患俟秋汛後再為相機辦理似于漕運河務均為有

益是否有當伏乞

聖裁查嘉慶十一年正河大溜已掣八九分現在約掣六

分兩壩裹頭進占後將大溜仍可擠入正河尚不致

淤墊第秋後必須設法將海口疏濬通暢方可堵合

減壩否則此合彼開徒滋糜費即如十二年減壩閉

而陳家浦開嗣後陳家浦合而馬港口決此皆由海

口之壅遏現在水由減壩而各工具報水勢消落更

足徵海口之未能暢也臣迂拙無能細心通盤籌畫

南河成案續編卷之七十七海口漲水不消嘉慶十六年

與道將再四相商惟有于秋後辦理則料物充盈工

程堅固而海口得以認真測探妥辦于全河實為有

濟所有河流漲水不消王營減壩漫溢緣由理合由

驛具

奏伏乞

皇上睿鑒再減壩與王家營相近土堤初墊之時漫水倒

漾該鎮旋即消落並未損傷人口廬舍至下游一帶

是否有被淹之處已委淮安府楊護前往據實查辦  
合併陳明謹

奏嘉慶十六年五月二十七日拜

進六月初九日奉到

硃批另有旨欽此同日承准

軍機大臣 字寄

兩江總督勒 江南河道總督陳

嘉慶十六年

六月初四日奉

上諭本日據陳鳳翔奏海口漲水不消王營減壩土堤坐墊過水一摺據稱五月二十四日夜大雨如注河水增長王營減壩土堤于二十五日丑刻陡然坐墊口門塌

南河成案續編 卷之七十七 上諭

嘉慶十六年 五月 月

開八十餘丈水深二丈四五尺不等黃河底高于壩外一丈數尺水由東北舊河形直下經由清河沐陽安東海州境內入海等語王營減壩于嘉慶十一年衝决後堵閉口門接築越堤以為保障即與大堤無異此次墊塌至八十餘丈之多該河督陳鳳翔不能督率廳汛員弁先事防護其咎甚重且向來河工堤岸遇有缺口該河督于奏報時即自請處分並將屬汛文武員弁嚴參辦理陳鳳翔豈不知之乃本日摺內竟作為尋常事件僅以一奏塞責並不請處分又不將廳汛員弁嚴行

參辦實屬辜恩溺職本應革職治罪姑念陳鳳翔到南

河未久著先革去翎頂交部嚴加議處該壩雖係分洩

黃水盛漲去路但墊壩口門八十餘丈大溜已掣六分

于清口固無妨礙惟減洩過多正河必致又形淤墊自

應趕緊設法相機籌辦勒保現已回省辦理地方事件

著卽星夜馳回該處工次查辦一切徐端在南河較久

于河工情形最為熟悉前因迴避陳鳳翔改赴東河候

補此時且暫留南河即著勒保陳鳳翔帶同該員親赴

海口將漲水因何未能暢消現在如何淤墊其減壩墊

南河成案續編 卷之七十七 上諭

嘉慶十六年 五月 月

塌口門約計何日可以修復大溜始能仍歸正河之處逐一履勘明確據實由四百里覆奏至前次勒保等具奏海口北岸並無入烟之地堤裏堤外面面皆水俟秋間黃水消落相機籌辦一節明係北岸堤工疎于防範致有難溢該督等諱匿不奏曾有旨令該督等據實查辦勒保係該省總督陳鳳翔專司河務著一併詳細查奏不可稍涉回護倘再意存瞻顧別生枝節不惟陳鳳翔不能當此重咎卽勒保亦難置身事外也所有此次減壩墊塌之疎防廳汛文武員弁均著革職等因奉

勒保研審此次决口係何緣由嚴參定擬具奏其清河  
沐陽安東海州一帶被水處所著勒保遴派明幹大員  
前往查勘有應行撫卹加恩之處卽行奏明辦理將此  
由四百里諭令知之欽此

南河成案續編

卷之七十七

上諭

嘉慶十六年  
五月  
廿月

黃河水勢盛漲各工搶護平穩

臣陳鳳翔跪

奏爲黃河水漲各處險要工段均經搶護平穩王營減  
壩東裏頭業已盤裹結實恭摺奏

聞仰祈

聖鑒事竊據徐州道屬各廳于五月二十四五六等日紛

紛搶險豐北廳具報石林南壩溜勢洶激舊埽自三

段至十二段陡墜入水星夜搶脩出水以資保護邳

北廳具報宋家房第三十埽及三十一至三十五四

南河成案續編

卷之七十七

黃河水漲各工  
嘉慶十六年  
五月  
廿月

十至四十一二三四等段均被大溜刷塌七埽三十

七埽至四十四埽先後墊陷臣當卽飛飭徐州道張

鼎前往率同搶護現在稟報搶脩穩固唯南廳李工

六八兩壩以下空擋大溜斜趨潰堤連夜補下新埽

宿北廳葉家莊溜勢下移工尾舊埽淘刷殆盡土性

沙鬆趕緊搶補新埽宿南廳杜家莊工尾河流裏卧

刷塌堤坡趕緊做埽抵禦又淮海道屬之桃北廳張

工頭溜勢上提衝刷堤脚亦經補新埽以資護衛

又淮海道屬之桃南廳王家莊駱工飽工迎溜兜

全河側注形勢較爲著重舊埽遊墊不定隨墊隨用  
未免費料惟汛期方長誠恐料物不敷臣已委員領

銀添購以資防備外河廳孫太東苗埽工裂縫平墊  
者十四段陡墊入水者六段經淮揚道胡克家率領

員弁竭兩晝夜之力分投搶護平穩臣思纜入伏汛  
而水勢疊長不消查徐州北門誌椿水深一丈八尺

五寸較上年大四尺五寸徐州運下普律漫灘皆近  
年來所未有總由海口不能通暢所以停積二十餘

日未見消落自五月二十五日王營減壩漫溢運下  
南河成案續編卷之七七黃河水設各工三嘉慶十六年  
搶護平穩三六止月

之海防山安兩廳水勢頓消竟有倒入口門之勢益  
足徵下游之壅遏而不能暢達入海也現在東壩業

已盤裹結實俟追壓大土後再盤西裏頭溜勢現有  
八分由減壩歸舊路入海臣察看溜勢若再爲分減

擬于口門之下築攔水土壩一道庶不致漫水淤墊  
正河一面委員乘舟隨大溜查看去路情形一面委

員赴海口詳察淤墊形勢俟查探明確再行繪圖貼  
說奏

聞所有各工水漲搶護平穩王營減壩盤裹結實緣由

合繕摺由驛具

奏伏乞

皇上睿鑒謹

奏嘉慶十六年六月初一日由驛拜

進本月十三日奉到

硃批另有旨欽此同日奉准

軍機大臣 字寄

江南河道總督陳 嘉慶十六年六月初八日奉

上諭本日陳鳳翔奏黃河險要各工搶護平穩並王營減  
南河成案續編卷之七七上諭  
嘉慶十六年

壩溜勢情形一摺南河自交伏汛以後水勢疊漲不消  
各處工程紛紛報險而王營減壩漫溢之後甚至運下

正河之水倒入口門可見上潰下墮去路不暢據陳鳳  
翔摺內稱該處溜勢已有八分現在一面委員查看去

路一面委員查看海口等語該處溜勢已有八分恐口

門益形刷塌不可不趕緊堵辦現在東壩已盤裹結實

著卽將西壩上緊盤裹其堵閉缺口事宜並卽迅爲籌

辦至海口一帶因何不能暢消以致壅遏如此前經有

旨令陳鳳翔會同勒保帶徐端前往查勘本日已降旨

旨令陳鳳翔會同勒保帶徐端前往查勘本日已降旨

將百齡補放兩江總督更換勒保回京陳鳳翔俱無庸  
前往著將圻閉缺口等事認真償辦先派徐端前往海  
口相視陳鳳翔俟百齡到彼後再行同赴海口詳加覆  
勘據實奏聞將此由四百里諭令知之欽此

南河成案續編

卷之七七 上諭

嘉慶十六年  
六月

御史周條奏邳宿一廳河道改隸山東管轄欽奉  
上諭

嘉慶十六年六月初三日承准

軍機大臣 字寄

直隸總督溫 兩江總督勒 江南河道總督陳

河東河道總督李 山東巡撫同 嘉慶十

六年五月二十四日奉

上諭據巡視濟寧漕務御史周鉞奏請將江南邳宿一廳

河道仿照沛縣之例改隸山東運河道管轄凡挑河築

南河成案續編

卷之七七 上諭

嘉慶十六年  
六月

壩起剝等事呼應較靈又無彼此先後之分重空幫船

可無停待之虞所有邳宿廳營汛員改隸山東運河道

屬一切仍循其舊毋庸增設又臨清關外至德州衛河

中間有直隸故城縣河道六十五里有零界于山東武

城恩縣之間距直隸省城甚遠每遇衛河水淺應須起

剝撈淺等事移吞往返緩不濟急而直隸僱備剝船尤

為非易幫船每多積壓並請將故城河道亦照江南沛

縣之例改隸山東併歸武城縣之馬甲營巡檢兼管仍

隸下河通判管轄其應僱剝船人夫等事與山東各州

縣一律辦理等語該御史所奏係爲調劑漕運起見惟是改隸之後是否于河防漕運兩有裨益其廳營員弁是否無庸移置增添及一切公事有無滯礙之處必須籌畫周詳悉歸妥善著該督撫等會同悉心酌議據實具奏毋得稍存遷就推諉之見所有該御史原摺著抄寄閱看將此各諭令知之欽此

原奏

巡視濟寧清務江南道監察御史 周錢跪

奏爲敬陳管見酌擬改隸河道廳員以專責成以速漕

南河成案續編 卷之七十七 御史周奏邳宿 嘉慶十六年 運河改隸山東 六月 廿 月

運佈請

聖訓事竊照江南山東直隸運道爲糧艘經由要津必須

一氣聯絡庶催餉撈劍等事呼應較靈免致歧悞查

江南邳宿運河設有通判一員所管河道上自山東

交界黃林莊起下至江南桃源縣境計程二百五十

餘里全賴上游微山湖水挹注以通舟楫而微山湖

坐落在山東之滕嶧江南徐沛各境內其來源則係

收蓄東省曹州濟寧各屬坡水出牛頭河下注出韓

莊湖口新舊兩閘濟運此前人之制取其自上而下

其勢建瓴其流順而易達故于兩省交界之黃林莊設立水誌定以長河水深五尺爲度如有不足驗視誌椿之盈絀酌放湖水之多寡每年循照辦理遵行已久惟近歲邳宿河道漸次淤高卽年年挑浚亦必須撈剝兼施幫船始能行走本年因去冬未經估挑誌椿放水六尺餘寸江境尙不敷用三進幫船挽入東境仍不免散漫脫幫等事推原其故蓋因邳宿一

廳在黃河之北相距清江已屬寫遠而近年南河工

繁事劇河 當重運經由之際遠在南岸河口設法

南河成案續編 卷之七十七 御史周奏邳宿 嘉慶十六年 運河改隸山東 六月 廿 月

備渡邳宿河道鞭長莫及卽東省就近得信而備文

咨移動經千里往往就遲雖不敢稍分畛域委員前

往查催究屬隔省呼應不靈必須統歸一省管轄方

可收效卽如江南所屬之沛縣其河道向歸東省經

管辦理較爲畫一此其明驗 愚昧之見不若將江

南邳宿一廳河道仿照沛縣之例改隸山東運河道

管轄舉凡挑河築壩起剝等事與東省同時興辦既

可聯爲一氣呼應較靈又無彼此先後之分重空兩

運幫船可無停待之慮于漕運河防均有裨益所有